Ֆինանսական հաշվետվությունների միջազգային ստանդարտ 6 *Oգտակար հանածոների հետախուզում և գնահատում*

Նպատակը

- 1. Սույն ստանդարտի նպատակն է սահմանել *օգտակար հանածոների հետախուզման և գնահատման* առումով ֆինանսական հաշվետվությունների պատրաստման մոտեցումները։
- 2. Սույն ՖՀՄՍ-ն, մասնավորապես, պահանջում է՝
 - ա) *հետախուզման և գնահատման ծախսումների* համար գոյություն ունեցող հաշվապահական հաշվառման ընթացակարգերի մասնակի բարեփոխումներ,
 - p) հետախուզման և գնահատման ակտիվները ձանաչող կազմակերպություններից՝ սույն ՖՀՄՍ-ի պահանջների համաձայն դիտարկել այդ ակտիվների արժեզրկված լինելը և չափել ցանկացած արժեզրկում՝ «Ակտիվների արժեզրկում» ՀՀՄՍ 36 -ին համապատասիան,
 - գ) բացահայտումներ, որոնք որոշակիացնում և բացատրում են կազմակերպության ֆինանսական հաշվետվություններում ներառված` օգտակար հանածոների հետախուզման և գնահատման արդյունքում առաջացած գումարները և այդ ֆինանսական հաշվետվություններն օգտագործողներին օգնում հասկանալ ցանկացած հետախուզման և գնահատման ակտիվների ձանաչումից սպասվող ապագա դրամական հոսքերի մեծությունը, ժամկետներն ու որոշակիությունը։

Գործողության ոլորտը

- 3. Կազմակերպությունը պետք է սույն ՖՀՄՍ-ը կիրառի իր կողմից կատարված հետախուզման և գնահատման ծախքերի համար։
- 4. Սույն ՖՀՄՍ-ը չի կարգավորում օգտակար հանածոների հետախուզմամբ և գնահատմամբ զբաղվող կազմակերպությունների հաշվապահական հաշվառման այլ խնդիրներ։
- 5. Կազմակերպությունը չպետք է սույն ՖՀՄՍ-ը կիրառի հետևյալ կատարված ծախքերի համար`
 - ա) նախքան օգտակար հանածոների հետախուզումն ու գնահատումն իրականացված ծախքերի, օրինակ՝ այն ծախքերի, որոնք կազմակերպությունը կրել է նախքան համապատասխան տարածքն ուսումնասիրելու իրավունքների ձեռքբերումը,

r) այն ծախքերի, որոնք կատարվել են օգտակար հանածոյի արդյունահանման տեխնիկական իրագործելիությունն ու առևտրային կենսունակությունը ցուցադրելուց հետո։

Հետախուզման և գնահատման ակտիվների ձանաչումը

ՀՀՍՄ 8-ի 11-րդ և 12-րդ պարագրաֆներից ժամանակավոր ազատում

- 6. Հետախուզման և գնահատման ակտիվները ձանաչող կազմակերպությունն իր հաշվապահական հաշվառման քաղաքականությունը մշակելիս պետք է կիրառի «Հաշվապահական հաշվառման քաղաքականություն, փոփոխություններ հաշվապահական հաշվառման գնահատումներում և սխայներ» ՀՀՄՍ 8-ի 10-րդ պարագրաֆր։
- 7. ՀՀՄՍ 8-ի 11-րդ և 12-րդ պարագրաֆները սահմանում են պարտադիր պահանջների հիմքերը և այն մոտեցումները, որոնք ղեկավարությունը, հաշվապահական հաշվառման քաղաքականություն մշակելիս, պարտավոր է հաշվի առնել ցանկացած երևույթի համար, եթե վերջինիս համար որևէ այլ ՖՀՄՍ-ով կիրառման առանձնահատկություն սահմանված չէ։ Պայմանով, որ 9-րդ և 10-րդ պարագրաֆները պահպանվում են, սույն ՖՀՄՍ-ը կազմակերպություններին ազատում է վերոհիշյալ պարագրաֆների կիրառումից հետախուզման և գնահատման ակտիվների ձանաչման և չափման համար հաշվապահական հաշվառման քաղաքականություն մշակելիս։

Հետախուզման և գնահատման ակտիվների չափումը

Չափումը ձանաչման պահին

8. Հետախուզման և գնահատման ակտիվները պետք է չափվեն սկզբնական արժեքով (ինքնարժեքով)։

Հետախուզման և գնահատման ակտիվների սկզբնական արժեքի բաղկացուցիչները

- 9. Կազմակերպությունը պետք է քաղաքականություն սահմանի` որոշելու համար, թե հատկապես որ ծախքերն են ձանաչվում որպես հետախուզման և գնահատման ակտիվներ, և հետևողականորեն կիրառի այդ քաղաքականությունը։ Նշված որոշումները կայացնելիս կազմակերպությունը պետք է հաշվի առնի այն աստիձանը, որով ծախքը կարող է վերագրվել որոշակի օգտակար հանածոների հայտնաբերմանը։ Ստորև բերված են ծախքերի օրինակներ, որոնք կարող են ներառվել հետախուզման և գնահատման ակտիվների սկզբնապես չափման մեջ (թվարկումն ավարտուն չէ)`
 - ա) հետախուզման իրավունքների ձեռքբերում,
 - բ) տոպոգրաֆիական, երկրաբանական, երկրաքիմիական և երկրաֆիզիկական ուսումնասիրություններ,
 - գ) հետախուզական հորատում,

- դ) հորատանցում,
- ե) նմուշարկում,
- q) օգտակար հանածոների արդյունահանման տեխնիկական իրագործելիության ու առևտրային կենսունակության գնահատման հետ կապված գործառնություններ։
- 10. Օգտակար հանածոների մշակման հետ կապված ծախքերը չպետք է ձանաչվեն որպես հետախուզման և գնահատման ակտիվներ։ Մշակման արդյունքում առաջացած ակտիվների ձանաչման համար պետք է առաջնորդվել «Հիմունքների» և «Ոչ նյութական ակտիվներ» ՀՀՄՍ 38-ի պահանջներով։
- 11. Համաձայն «Պահուստներ, պայմանական պարտավորություններ և պայմանական ակ-տիվներ» ՀՀՄՍ 37-ի՝ կազմակերպությունը ձանաչում է օգտակար հանածոների հետա-խուզում և գնահատում իրականացնելու հետևանքով որոշակի ժամանակահատվածում կրած ցանկացած պարտականություն ապամոնտաժման և տարածքի վերականգնման գծով։

Չափումը ձանաչումից հետո

12. Ճանաչումից հետո կազմակերպությունը հետախուզման և գնահատման ակտիվների նկատմամբ պետք է կիրառի սկզբնական արժեքի (ինքնարժեքի) մոդելը կամ վերագնահատման մոդելը։ Եթե կիրառվում է վերագնահատման մոդելը (կա՛մ «Հիմնական միջոցներ» ՀՀՄՍ 16-ի, կա՛մ «Ոչ նյութական ակտիվներ» ՀՀՄՍ 38-ի պահանջներին համապատասխան), ապա այն պետք է համահունչ լինի այդ ակտիվների դասակարգմանը (տե՛ս պարագրաֆ 15-ը)։

Փոփոխություններ հաշվապահական հաշվառման քաղաքականությունում

- 13. Կազմակերպությունը կարող է փոփոխել հետախուզման և գնահատման ծախքերին վերաբերող իր հաշվապահական հաշվատման քաղաքականությունը, եթե այդ փոփոխությունները նրա ֆինանսական հաշվետվությունները կդարձնեն ավելի տեղին՝ օգտագործողների տնտեսական որոշումների կայացման կարիքների համար, և ոչ պակաս արժանահավատ, կամ ավելի արժանահավատ ու ոչ պակաս տեղին՝ այդ կարիքների բավարարման համար։ Կազմակերպությունը արժանահավատության և տեղին լինելու հանգամանքի վերաբերյալ դատողությունները պետք է կատարի՝ օգտվելով ՀՀՄՍ 8-ի չափանիշներից։
- 14. Հետախուզման ու գնահատման ծախքերին վերաբերող հաշվապահական հաշվառման քաղաքականության մեջ կատարած փոփոխությունները հիմնավորելու նպատակով՝ կազմակերպությունը պետք է ցուցադրի, որ այդ փոփոխություններն իր ֆինանսական հաշվետվություններն ավելի են մոտեցրել ՀՀՄՍ 8-ի չափանիշների բավարարմանը,

¹ «Հիմունքներ»-ին կատարված հղումը վերաբերում է ՀՀՄՍԿ-ի «Ֆինանսական հաշվետվությունների պատրաստման և ներկայացման հիմունքներ»-ին, որն ընդունվել է ՀՀՄՍԽ-ի կողմից 2001 թվականին։ 2010 թվականի սեպտեմբերին ՀՀՄՍԽ-ն փոխարինեց «Հիմունքները» «Ֆինանսական հաշվետվությունների հայեցակարգային հիմունքներով»

բայց պարտադիր չէ, որ այդ փոփոխությունները լիովին համապատասխանեն նշված չափանիշներին։

Ներկայացում

Հետախուզման և գնահատման ակտիվների դասակարգում

- 15. Կազմակերպությունը հետախուզման և գնահատման ակտիվները պետք է դասակարգի որպես նյութական կամ ոչ նյութական՝ ձեռք բերված ակտիվների բնույթին համապատասխան, և հետևողականորեն կիրառի այդ դասակարգումը։
- 16. Որոշ հետախուզման և գնահատման ակտիվներ դիտարկվում են որպես ոչ նյութական (օրինակ՝ հորատման իրավունքները), մինչդեռ մյուսները նյութական են (օրինակ՝ փոխադրամիջոցները և հորատման սարքավորումները)։ Այն դեպքում, երբ որևէ ոչ նյութական ակտիվ մշակելիս նյութական ակտիվ է սպառվում, սպառումն արտացոլող գումարը ներառվում է այդ ոչ նյութական ակտիվի սկզբնական արժեքում։ Այնուամենայնիվ, ոչ նյութական ակտիվի մշակման ժամանակ նյութական ակտիվի օգտագործումն այդ նյութական ակտիվը չի վերափոխում ոչ նյութականի։

Հետախուզման և գնահատման ակտիվների վերադասակարգում

17. Հետախուզման և գնահատման ակտիվն այլևս չի կարող դասակարգվել որպես այդպիսին, եթե արդեն ապացուցելի է օգտակար հանածոյի արդյունահանման տեխնիկական իրագործելիությունն ու առևտրային կենսունակությունը։ Հետախուզման և գնահատման ակտիվների արժեզրկված լինելը պետք է դիտարկվի, ինչպես նաև արժեզրկումից առաջացած ցանկացած կորուստ պետք է ձանաչվի նախքան վերադասակարգումը։

Արժեզրկում

Ճանաչումը և չափումը

- 18. Հետախուզման և գնահատման ակտիվների արժեզրկված լինելը պետք է դիտարկվի, երբ փաստերից և հանգամանքներից բխում է, որ հետախուզման և գնահատման ակտիվի հաշվեկշռային արժեքը կարող է գերազանցել դրա փոխհատուցման գումարը։ Երբ առկա են փաստեր և հանգամանքներ, որ հաշվեկշռային արժեքը գերազանցում է փոխհատուցման գումարը, կազմակերպությունը պետք է չափի, ներկայացնի և բացահայտի արժեզրկումից առաջացած ցանկացած կորուստ` ՀՀՄՍ 36-ին համապատասխան` բացառությամբ ներքոհիշյալ 21-րդ պարագրաֆում նշվածից։
- 19. Միայն հետախուզման և գնահատման ակտիվների համար դրանց հնարավոր արժեզրկված լինելու հանգամանքը որոշելիս ՀՀՄՍ 36-ի 8-17 պարագրաֆների կիրառ-ման փոխարեն կիրառվում է սույն ՖՀՄՍ-ի 20-րդ պարագրաֆը։ 20-րդ պարագրաֆում օգտագործվում է «ակտիվներ» տերմինը, բայց այն հավասարապես կիրառվում է թե՛

առանձին հետախուզման և գնահատման ակտիվների, և թե՛ առանձին դրամաստեղծ միավորների համար։

- 20. Ներքոհիշյալ մեկ կամ մի քանի փաստերի և հանգամանքների առկայությունը վկայում է, որ կազմակերպությունն իր հետախուզման և գնահատման ակտիվների համար պետք է արժեզրկման ստուգում իրականացնի՝ (թվարկումն ավարտուն չէ)
 - ա) երբ տվյալ ժամանակաշրջանում լրացել է կամ մոտ ապագայում պետք է լրանա այն ժամկետը, որի ընթացքում կազմակերպությունը իրավունք ունի հետախուզելու համապատասխան տարածքը, և չի սպասվում, որ այն կերկարաձգվի,
 - բ) երբ համապատասխան տարածքում օգտակար հանածոների հետագա հետախուզման և գնահատման հիմնական ծախքը ոչ բյուջետավորված է, և ոչ էլ պյանավորված,
 - գ) երբ համապատասխան տարածքում օգտակար հանածոների հետախուզումը և գնահատումը չի հանգեցրել օգտակար հանածոների առնտրային առումով կենսունակ քանակությունների հայտնաբերմանը, և կազմակերպությունը որոշել է այլևս չշարունակել այդ տարածքում նմանատիպ գործունեությունների իրականացումը,
 - դ) երբ բավականաչափ տվյալներ կան վկայելու, որ, չնայած համապատասխան տարածքում հնարավոր է անցնել օգտակար հանածոների մշակմանը, հետախուզման և գնահատման ակտիվի հաշվեկշռային արժեքը հաջող մշակման կամ վաճառքի դեպքում անհավանական է, որ ամբողջովին կփոխհատուցվի։

Այսպիսի ցանկացած դեպքում կամ նմանատիպ դեպքերում կազմակերպությունը պետք է իրականացնի արժեզրկման ստուգում՝ համաձայն ՀՀՄՍ 36-ի։ Համաձայն ՀՀՄՍ 36-ի՝ արժեզրկումից առաջացած ցանկացած կորուստ պետք է ձանաչվի որպես ծախս։

Մակարդակի որոշումը՝ հետախուզման և գնահատման ակտիվների արժեզրկված լինելը դիտարկելու համար

- 21. Կազմակերպությունը պետք է սահմանի հետախուզման և գնահատման ակտիվների՝ ըստ առանձին դրամաստեղծ միավորների կամ դրամաստեղծ միավորների խմբերի բաշխման հաշվապահական հաշվառման քաղաքականություն՝ այդ ակտիվների արժեզրկված լինելու դիտարկումն իրականացնելու համար։ Յուրաքանչյուր դրամաստեղծ միավոր կամ դրամաստեղծ միավորների խումբ, որին բաշխված է հետախուզման և գնահատման ակտիվը, չպետք է ավելի մեծ լինի, քան գործառնական սեգմենտը՝ «Գոր-ծառնական սեգմենտներ» ՖՀՄՍ 8-ի համաձայն սահմանված։
- 22. Հետախուզման և գնահատման ակտիվների արժեզրկման ստուգման նպատակների համար կազմակերպության կողմից որոշված մակարդակը կարող է ընդգրկել մեկ կամ մի քանի դրամաստեղծ միավորներ։

Բացահայտում

- 23. Կազմակերպությունը պետք է բացահայտի տեղեկատվություն, որը որոշակիացնում և բացատրում է օգտակար հանածոների հետախուզման և գնահատման արդյունքում առաջացած՝ իր ֆինանսական հաշվետվություններում ձանաչված գումարները։
- 24. 23-րդ պարագրաֆի պահանջներին համապատասխանելու համար կազմակերպությունը պետք է բացահայտի`
 - ա) հետախուզման և գնահատման ծախքերին վերաբերող իր հաշվապահական հաշվառման քաղաքականությունը, ներառյալ հետախուզման և գնահատման ակտիվների ձանաչման չափանիշները,
 - p) ակտիվների, պարտավորությունների, եկամուտների և ծախսերի գումարները, ինչպես նաև օգտակար հանածոների հետախուզման և գնահատման հետևանքով առաջացած գործառնական և ներդրումային դրամական հոսքերը։
- 25. Կազմակերպությունը հետախուզման և գնահատման ակտիվները պետք է ներկայացնի որպես ակտիվների առանձին դաս և բացահայտումները կատարի՝ հիմնվելով կա՛մ ՀՀՄՍ 16-ի, կա՛մ ՀՀՄՍ 38-ի պահանջների վրա՝ կախված այն հանգամանքից, թե ինչ-պես են դասակարգվել այդ ակտիվները։

Ուժի մեջ մտնելը

26. Կազմակերպությունը պետք է սույն ՖՀՄՍ-ը կիրառի 2006 թվականի հունվարի 1-ին կամ դրանից հետո սկսվող տարեկան ժամանակաշրջանների համար։ Ավելի վաղ կիրառումը խրախուսվում է։ Եթե կազմակերպությունը սույն ՖՀՄՍ-ը կիրառում է մինչև 2006 թվականի հունվարի 1-ը սկսվող ժամանակաշրջանների համար, ապա այդ փաստը պետք է բացահայտվի։

Անցումային դրույթներ

27. Եթե 2006 թվականի հունվարի 1-ից առաջ ընկած տարեկան հաշվետու ժամանակաշրջաններին վերաբերող համադրելի տեղեկատվություն ներկայացնելու՝ 18-րդ պարագրաֆի որևէ կոնկրետ պահանջի կատարումն անիրագործելի է, ապա կազ-մակերպությունը պետք է բացահայտի այդ փաստը։ ՀՀՄՍ 8-ում բացատրվում է «անիրագործելի» տերմինը։

Հավելված Ա

Սահմանված տերմիններ

Սույն հավելվածը հանդիսանում է սույն ՖՀՄՍ-ի անբաժանելի մասը։

հետախուզման և գնահատման ակտիվներ Որպես ակտիվ ձանաչված **հետախուզման և գնահատման** ծախքերն են՝ կազմակերպության հաշվապահական հաշվատ-ման քաղաքականությանը համապատասխան։

հետախուզման և գնահատման ծախքեր Կազմակերպության՝ **օգտակար հանածոների հետախուզման և գնահատման** հետ կապված ծախքերն են նախքան օգտակար հանածոների արդյունահանման տեխնիկական իրագործելի-ությունն ու առևտրային կենսունակությունը ցուցադրելը։

օգտակար հանածոների հետախուզում և գնահատում Որոշակի տարածքում հետախուզումներ իրականացնելու իրավունքների ձեռքբերման պարագայում օգտակար հանածոների` ներառյալ հանքանյութերի, նավթի, բնական գազի և նմանատիպ չվերականգնվող ռեսուրսների որոնումն է, ինչպես նաև օգտակար հանածոների արդյունահանման տեխնիկական իրագործելիության ու առնտրային կենսունակության որոշումը։